

فہرست ابجد

— (۱) ہر شہر عربی ابتدا سیلہ اون بشتہ نشر اول نور (۲) —

جلد ۵ - جزو ۴۹ [فی قرۃ ذی الحجہ سنہ ۱۳۰۳] نسخہ سی ۳ غروش

چفت اوکوز قوشیلهرق ایکی آیده ادرنه دن استانبوله گتیرلش ایدی .
قره کُر بونازی دخی مؤخرأ عثمانیلر طرفدن (کمرک) تعیراولنان
بیوک چاپده طولر ایله تجهیر ایدلشدیر .

هوا دن مقوس گله انداختی دخی ینه استانبول محاصره سنده
فاتح مشار الیهک جمله بدایعندن اولدینی متفق علیهدر . ۱۵۵۳ و ۱۵۸۰
سنه لرده ایکی دفعه محاصره اولنان ردوس قلعه سی پیشکاهنده دخی هوان
استعمال ایدلشدیر .

دولت عثمانیه ده اسلحه ناریه خفیفه نك صورت عمومیه ده استعمالی
۱۵۶۰ سنه میلادیه سنده . یعنی سلیمان قانونینك دور سلطنتده در که هجرتك
۹۳۷ سنه سنه مصادفدر .

واقعا مراد اول محاربانده دخی اسلحه ناریه جسیه وخفیفه استعمال
اولدینی مضبوط ایسه ده عموماً دگل ایدی . اوتار یخده اوروپالیر آفریقانك
شمدیکی [زولو] اها لیسندن ده دون بر مرتبه ده بولیورلر ایدی .
أولاضیا

آوستریا ایمپراطورلرینه مخصوص بر عادت

آوستریا ایمپراطورلرینك کلیسا اربابی عنندن بر عنوانی واردر که رسالت
عیسویه معناسنه (آپوستولیک) دیه یاد ایدرلر .

حضرت عیسا یاسقالیادن ایکی گون اولکی پنجشنبه گونی - که عندالنصارا
(ژودی سن) یعنی (خمیس مبارک) دیه متعارفدر - حواریلرینك اقدامی
تعطیلر ایتیش ایدی .

بوقاعده الیوم کلیسالرجه جاریدر .
آوستریا ایمپراطورلری ایسه آپوستولیک عنوانیه قاتولیکلق عالمده ممتاز
بولندقلری جهته هر سنه یوم مذکورده تبعه سنك اک مسندن اون ایکی

کیمسه نك آياقارینی بیقامنه مجبوردر . ایمپراطور پچه لری دخی ینه بویله مسنه اولوق اوزره ۱۲ قادینک اقدامی تطهیر ایدر .

حوار یونک اولی اولوب اولدقلری بزجه مجهول ایسه ده خرسیتیانلرجه اوذاتلرک مجرد اولدقلری متفق علیهدر . بناءً علیه بوتطهیر اقدام ایشی یالکیز ذات مسیحک اجرا ایدوب کنسیدینی مجرد اولوق حیثیتله والدہ سی اولان مریم البتول جنابلرینک دخی اون ایکی قادینک آياقارینی بیقه مش اولدیغنه دائر نه انجیلده ونه ده کلیساجه معتمد علیه اولان آخبارده برکونه صراحت یوقدر .

دیمک ایستزکه بابا طرفندن آپوستولوق عنوانه مظهر اولان آوستریا ایمپراطوری ذات مسیحی تقلیداً تطهیر اقدامده بولندیگی گبی زوجه سیده کلیساجه مجهول و بلکه بدعت اولوق لازم گلان بوخصوصی مجرد زوجنی تقلیداً اجرا ایدیور .

اصول تطهیر بک معنطن برتشریفات ایله اجرا ایدیلیر :
یوم مذکورده آوستریا ایمپراطوری اولان ذات هاگی بلده ده ایسه شهرک بلدیہ ریاستی مملکت خلقندن الک اختیار اولوق اوزره ۱۲ ارککله ۱۲ قادین انتخاب ایدر .

بونلرک هر بری اولجه حمامه گوندریله رک آياقاری صورت مخصوصده تطهیر ایشدیریلیر . چونکه بو اختیارلرک اکثرینی عوام ناسدن واحتمال که آياقارینی دخی ییلدن بیله بو صورتله تطهیر ایتدیرن طاقدندرلر . حاصلی بونلرک آياقاری ایمپراطور و ایمپراطور پچه نك مشامنه تعفن بخش اولیه حق برحاله گتیرلکدن صکره هر برینه بلدیہ طرفندن احضار ایدیلان برر لباس فاخر اکسا ایدیله رک سرایدن صورت مخصوصده ارسال اولنان برر گردونه مکلفه ایکیشر ایکیشر ارکاب ایدیله رک سرایه گوندریلیر .

ایمپراطورک قرنامی وسرای خلقنک خواص خدامی بونلری بینک طاشندن استقبال ایده رک حضوره کوتوردرلر .

اوراده ایسه لکن مقامنده احضار ایدلمش اولان بر گومش طاس
ایچنده گومش برابر یقین باش ماینجینک دودکدیگی صو ایله ایمپراطور برر
برر بونلرک آياقلرینی تطهیر ایله مخصوص پیشگیرلرله قور یلادقدن صکره معناد
اولان اون ایکیشر آلتونی ویره رکینه گردونه سوار اولدقلری حالده شهر
امانتی دائره سنه گوندرلر . . .
ایمپراطور یچه طرفدن اجرا اولنان تطهیر دخی بریکنک عینی در . . .
حسب الشیخوخه ایمپراطورک حضورینه داخل اولانلرک برقاچ دفعه
بور سمد بولنانلری وارد . . .

مدحت افندی حضرتلرینه

مفصلک حاشیه لری صره سنده (سمندره) ایله (ازمیر) کلمه لرینه
دائر ایکی فقره تأویله گوردم . . .
سمندره نك (سنت - آندره) محرفی اولدیغنی محار تاریخیلرینک جمله
تحقیقاتندن اوله رق بیان اتمشسکز . . .
ازمیری دخی خرستیان خلقنک کیشیه بناء « کاور ازمیری » دیه
یاد ایلدکلرینی قید اتمشسکز . . .

بند کوره قالیرسه بونلر توجیهات بعیده دندر . (سن) لفظی فرانسر
وایتالیان لسانلرنده تحریر و تلفظجه جزوی برر فرق ایله (عزیز) معناسنه
موضوع ایسه ده معلوم عالیگزدکه اسلاو لسانیه (سن) لفظنک هیچ مناسبتی
یوقدر . چونکه اصلا وجه (عزیز) معناسنی افاده ایدن کلمه (ایسوتی)
لفظی در . روحده (آیوس) اولدیغنی گبی . . .

(آندره) دخی (آندریا) صورتده تحریر و تلفظ اولنور . بوخالده
سمندره نك اصلی (ایسوتی آندریا) اولمق لازم کایردی . ایسوتی آندریایی